

## 01

### 夜归鹿门山歌

山寺钟鸣昼已昏，渔梁（阳）渡头争渡喧。  
人随沙路（岸）向江村，余亦乘舟归鹿门。  
鹿门月照开烟（烟中）树，忽到（辨）庞公栖隐处。  
岩扉松（草）径长寂寥，（寞）惟有幽人夜来去。

## 02

### 凉州词 其二

异方之乐令人悲，羌笛胡笳不用吹。  
坐看今夜关山月，思杀边城游侠儿。

## 03

### 夜泊宣城界

西塞沿江岛，南陵问驿楼。  
湖平津济阔，风止客帆收。  
去去怀前浦，茫茫泛夕流。  
石逢罗刹碍，山泊敬亭幽。  
火识（炽）梅根冶，烟迷杨叶洲。  
离家复水宿，相伴赖沙鸥。

## 04

### 宿业师山房期丁大不至

夕阳度西岭，群壑倏已暝。  
松月生夜凉，风泉满清听。

樵人归欲尽，烟（磴）鸟栖初定。  
之子期宿（未）来，孤琴（宿）候萝径。

## 05

### 留别王维

寂寂竟何待，朝朝空自归。  
欲寻芳草去，惜与故人违。  
当路谁相假，知音世所稀。  
祗应守索（寂）寞，还掩故园扉。

## 06

### 夏日浮舟过陈大水亭

（一作浮舟过滕逸人别业）

水亭凉气多，闲棹晚来过。  
涧影见松（藤）竹，潭香闻芰荷。  
野童扶醉舞，山鸟助（笑）酣歌。  
幽赏未云遍，烟光（花）奈夕何。

## 07

### 白云先生王迥见访

闲归（归闲）日无事，云卧昼不起。  
有客款柴扉，白云巢居子。  
居闲好芝朮，（花木）采药来城市。  
家在鹿门山，常游涧泽水。  
手持白羽扇，脚步青芒屨。  
闻道鹤书徵，临流还洗耳。

## 08

## 夜泊庐江闻故人在东（林）寺以诗寄之

江路经庐阜，松门入虎溪。  
闻君寻寂乐，清夜宿招提。  
石镜山精怯，禅枝（林）怖鸽栖。  
一灯如悟道，为照客心迷。

## 09

### 初年乐城馆中卧疾怀归作

异县天隅僻，孤帆海畔过。  
往来乡信断，留滞客情多。  
腊月闻雷震，东风感岁和。  
蛰虫惊户穴，巢鹊眄庭柯。  
徒对芳尊酒，其如伏枕何。  
归屿（来）理舟楫，江海正无波。

## 10

### 寻香山湛上人

朝游访名山，山远在（若）空翠。  
氛氲亘百里，日入行始至。  
杖策寻故人，解鞭暂停骑。  
石门殊豁险，篁径转森（深）邃。  
法侣欣相逢，清谈晓不寐。  
平生慕真隐，累日探（求）奇（灵）异。  
野老朝入田，（云）山僧暮归寺。  
松泉多逸（清）响，苔壁饶古意。  
谷口闻钟声，林端识香气。  
（近本以上二句在第五第六）  
愿言投此山，身世两相弃。

### 1、新唐书卷203本传：

孟浩然，字浩然，襄州襄阳人。少好节义，喜振人患难，隐鹿门山。年四十，乃游京师。尝于太学赋诗，一座嗟伏，无敢抗。张九龄、王维雅称道之。维私邀入内署，俄而玄宗至，浩然匿床下，维以实对，帝喜曰：“朕闻其人而未见也，何惧而匿？”诏浩然出。帝问其诗，浩然再拜，自诵所为，至“不才明主弃”之句，帝曰：“卿不求仕，而朕未尝弃卿，奈何诬我？”因放还。采访使韩朝宗约浩然偕至京师，欲荐诸朝。会故人至，剧饮欢甚，或曰：“君与韩公有期。”浩然叱曰：“业已饮，遑恤他！”卒不赴。朝宗怒，辞行，浩然不悔也。张九龄为荆州，辟置于府，府罢。开元末，病疽背卒。后樊泽为节度使，时浩然墓庳坏，符载以笺叩泽曰：“故处士孟浩然，文质杰美，殒落岁久，门裔陵迟，丘陇颓没，永怀若人，行路慨然。前公欲更筑大墓，阖州搢绅，闻风竦动。而今外迫军旅，内劳宾客，牵耗岁时，或有未遑。诚令好事者乘而有之，负公夙志矣。”泽乃更为刻碑凤林山南，封宠其墓。初，王维过郢州，画浩然像于刺史亭，因曰浩然亭。咸通中，刺史郑诚谓贤者名不可斥，更署曰孟亭。

### 2、春晓。宿建德江。

### 3、李白《赠孟浩然》：

吾爱孟夫子，风流天下闻。红颜弃轩冕，白首卧松云。醉月频中圣，迷花不事君。高山安可仰，徒此揖清芬。

---